

مجموعه سنون

اثر

جمعیت علمیه عثمانیه

اوجنچی سانه

نومرو ۲۹

جہاد الاول

استانبول

جمعیت علمیه عثمانیہ مطبعہ سندہ طبع اول نمشد

۱۲۸۱

اسنیعاب ایلدی و اول ائتاده جماعت اجی اجی باغرشمنغه باشلا دیغندن
مر قوم نك صداسی ایشیدیلله مدی.

(منیف)

(تاریخ ملوک فرس قدیم) (مابعد)

قودومان (دارای اخیر)

بالاده بیان اولندیغی اوزره مشار الیه قودومان شاه ارشبسک وفاتی
متعاقب مر قوم باغواسک معاونتیه میلاددن اوچ یوز اوتوز االتی سنه
مقدم مسند حکمداری یه جلوس و دارا لقبیه تلقب ایشدر. مر قوم
باغواسک مشار الیه قودومانی مقام حکومه اقعادندن مرادی
ظاهرا عشار الیه حکمدار اولوب حقیقته کندوسی زمام امور
مملکتی اله المقدن عبارت ایدیه ده بوکا دسترس اوله مدیغندن
اسلافی کبی مشار الیهک دخی تسمینی تصیم ایلدی. فقط مر قومک
اشو سؤنیته هر نصلسه میدانه جیقدیغندن تهیه ایتش اولدیغی
زهر کندوسنه ایچور یله رک اهلاک اولمشدر. دارا جلوسنک
ایکنجی سنه سنده و تاریخ میلاددن اوچ یوز اوتوز درت سنه مقدم
اسکندر رومی بن فیلیوس مشاق سفریه و مخاطرات حریه ایله
مالوف اوتوز بیک پیاده و بشبیک سواری عسکر یله قلعه سلطانیه دن
اسیا قطعه سنه مرور و مروره دکرینه منصب اولان غرانیقوس
(قوجه صو) نهری کناریته مواصلته قارشو یقده عبور ایدوب

اوراده دارا نك يكرمي يكي ايرانلو سواری و يكرمي يكي يونانلو
 پیاده اوله رق موجود بولسان قرق ييك عسکريله محاربه يه ابتدار
 واسکندر بر قايچ يزدن مجروح و بنديکي اسب تلف اولديغي حالده
 غلبه ايدرك دارا اردوسي بالکليه منهنم و پريشان اولدی . بونك
 اوزرينه اسکندر ده ايلرو کيدرك مدت قلیله ظرفنده اناطولی
 قطعسه سنك بر چوق محلی قبضه تصرفه الوب ميلاددن اوج يوز
 اوتوز اوج سنه مقدم اسکندرون بلده سی قربنده واقع اولوب الوب
 بعض ائاری قالمش اولان ايسوس نام شهر مشهور جوارينه واصل
 اولدی . دارا اوتوز ييك يونانلو و يوز ييکدن متجاوز فرس و آريائوس
 نام مؤرخك روايته نظرأ التیوز ييك پیاده و مقدار کلی سواری
 حسا کردن مر کب جسيم بر اردو ايله محل مذکوره بالورود تقابل
 صفین واقع اولدقده اگرچه بو محاربه ده دارا عسکری ابراز مائر
 دلیری و بسالت ایلش ايسته ده اسکندرک عسکرينه تاب آور مقاومت
 اوله میده رق مؤرخ مومی اليهك قولنه نظرأ دارا میدان محاربه ده يوز
 ييك قدر مقتول براقديغي حالده بقية السيوف ايله فراره مجبور
 اولدی . اسکندر اشبو محاربه ده فوق مایه تصور منصور و مظفر
 اولوب دارا نك والده سيله زوجه سنی و همشیره سنی و صغير بر مخدومی
 ايله ايکي کریمه سنی و ديکي بعض معتبران فرس حرملريني اسير ایلدی .
 فقط اشبو اسرا حقنده بر کونه سؤ معامله روا کورمیه رك علی مقادير هم
 اعزاز و احتراملرينه اعتنا ایلدی . مشار اليه مظفریت مذکوره دن
 صکره دمشق شهرينه بر مقدر عسکر سوقيله شهری مذکوری استیلا
 و فرس دولته متعلق اوله رق دروئنده موجود بولسان خزائن
 و سائر يي ضبط ایلدی . بعده فنيکه اياالتی (سور و صيدا و طرابلس)

طرفه توجیه لوای عزیمت ایدوب ایالت مذکوره امراسی بلا حرب
و قتال کند و سینه عرض اطاعت ایتش ایسه ده اولجوارده واقع
تیروس (سور) جزیره سی اها لسی انقیاد ایتد کلرندن اسکندر جزیره
مذکوره ایله ارض فنیکه بینی فاصل اولان خلیجی طبراق ایله املا
ایتدیره رك برأ و تدارك ایتدیکی دونما واسطه سیله دخی بحرأ جزیره
مذکوره بییدی ای متوالیا حصر و تضییق ایتد کدن صکره ضبط
و تسخیر ایلدی. بو ائشاده دارا اسکندر تحریر ایلدیکی بر قطعه
مکتوبده اون بیک تالانتون (درت میلیون التون) و یرمک و کریمه سنی
کندوسنه تزویج ایتک و فرات نهرینه قدر الدیغی ممالکی ترك ایلک
شرط لریله عقد مصالحه اولمنسنی و فاملیاسنک استرداد قلمنسنی تکلیف
ایتش ایسه ده اسکندر قبول ایتوب جنوب طرفه متوجهاً حرکت
و ارض فلسطینی و غزه قلعه سنی دخی فتح و تسخیر ایتد کدن صکره
مصره عزیمت ایلدی. اوراپه وصولنده اهاالی کمال ممنونیت و شادمانی ایله
کندوسنی استقبال ایدرك زمام حکومتی یدینه تسلیم ایلدیلر. اسکندر
بو وجهله مصری دخی حوزه تصرفه الدقدن صکره میلاددن اوج
یوز اوتوز ایکسی سنه مقدم عراق عرب طرفه عزیمت و فرات
و دجله نهرلرندن مرور ایله دارایی تعقیب ایلدی. دارا ایسه
مصالحه دن قطع امید ایتدیکندن کافه کزیده اولقی اوزره مقدار کلی
و مؤرخ مومی الیهک روایتنه نظرأ بر میلیون پیاده و قرق بیک
سواری عسکردن و ایک یوز قلیجی عربیه و اون بش قدر فیلدن
مرکب بر عظیم اردو ترتیب و بوماد بس نهری قربنده کائن اربیل
شهری جوارنده غوغا میلا نام صحرائی اردوگاه اتخاذ ایدرك اسکندر
ورودینه مترقب اولدیغی حالده مشار الیه قرق بیک پیاده و بش بیک

سواری عسکر یله محل مذکوره بالوصول فرداسی یعنی میلاددن
اوج یوز اوتوز برسنه مقدم تشرین اولک ابتداسی کونی بینلرنده
وقوعبولان محاربه ده دخی لشکر داراکال هزیمته دوچار و کندوسی
دخی کوچله تخلص کریبان جان ایدرک رهرو سمعت فرار اولدی .
اولکون اسکندر اخشامه قدر دارایی تعقیب و پک چوق مهمات وادوات
حریه اغتنام الیشدر . بو محاربه ده فرس عسکرندن یوز ییک
و مؤرخ مومی الیهک قولنه نظراً اوج یوز ییک ادم مقتول و اوج
یوز ییک قدری دخی اسیر اولوب یونان عسکرینک تلفاتی ایسه بش یوز
کبشیدن عبارت بولنشدر . دارا بو محاربه دن صکره بقیه السیوف
اولان اوج ییک پیاده و بش ییک سواری عسکر یله مدای ممالکنک
پایتختی اولان اقوانانه (همدان) شهرینه تحصیلدی . اسکندر دخی
بابل شهرینه عزیمت ووصولنده امر اواهالبسی كافة کندوسنه عرض
اطاعت ایتمکله شهر مذکوری بلا حرب و جدال ضبط و تسخیر و بر
ماه قدر اوراده ارام ایتدکدن صکره ملوک فرسک موسم شتاده
اقامتگاهلری اولان سوسه (سستر) نام بلده مشهوره یه عزیمت
و بوراک اهالبسی دخی مطاوعت ایلدی . بو ائشاده یونانستاندن
اون بش ییک عسکر دخی ورود ایدرک موجود معینی الی اوچبیک
پیاده و طقوز ییک سواری که جمعاً التمش بیکه بالغ اولغله اولافارس
اقلینی کاملاً ضبط و تسخیر ایتک و بعده دارایی اخذ و گرفت ایتک
اوزره اقلیم فارس جانبته عزیمت و مملکت مذکوره صعب المرور
طاغلق و طاشلق محالردن عبارت اولوب اهالبسی دخی کمال شدتله
مقاومت ایتش اولدقلری حالده بالسهوله ضبط و تسخیر و اصطخر
شهری قربنده واقع برسه بولس (چهل مناره) نام مدینه یی دخی

الهرق دروینده بولان خزائن و اموال کلبه یی اغتنام ایلدی و برنجی
 شخصسارک یونانستانه و رودنده اتنه شهرنده بولان معابد و ابنیه
 میریه یی احراق و تخریب ایلدیکی جهتله بوندن طولایي اخذ انتقام
 ایتک اوزره مذکور پرسه پولیس شهرنده کائن پادشاه سرابنی احراق
 ایلدی . موسم شتایی اوراده امرار و فصل بهارده مدای ممالکی
 اوزرینه کتک اوزره لوازم سفریه سی تهیه و ترتیب ایلدی . بالاده
 بیان اولندیغی اوزره دارا غوغا میلا محاربه سندن صکره مدای
 ممالکندن اقواتانه نام شهرده تحصن ایتش ایسه ده شاید اسکندر
 فتوحات واقعه سنه قناعت ایتیه رک مدای ممالکنه دخی هجومه
 قالدشور ایسه ابراز مقاومت ایده یطک اوزره عساکر کلبه تدارک
 ایدوب اوله مدیغی تقدیرده دخی واقتراییه (ترکستان داخلنده بلخ)
 مملکنه التجا ایتک مقصدیله حرم و ذیقیت اموال و اشیاسنی طهرانک
 جنوب شرقیسنده کائن اولوب الیوم بعض ائاری مشهود اولان رایه
 شهرینه ارسال ایلدی و اول اراتق اسکندرک مذکور اقواتانه اوزرینه
 متوجه حرکتی استماع ایتش و بو خبر کندوسنه زیاده موجب خوف
 و دهشت اولمش اولغله تبدیل نیت ایدرک در عقب بلخ جاننه عزیمت
 و اسکندر دخی شهردن شهره کندوسنی تعقیبه مبادرت ایتدیکندن
 دارا ینته تحویل افکار ایدرک اسکندر ایله بر کره دهها اداره اقداح
 کارزار ایلکی تصمیم و بونی و کلا و امرای عسکریه سنه بیان
 ایلد کده و کلا سندن ایکی ذات بد نهاد خفیا عقد انجمن فساد ایدوب
 اسکندر ارقه لرندن یتشدیکی حالده دارایی کندوسنه تسلیم ایله
 تخلیص کریسان ایتک و اسکندرک تعقیبی غائله سی بر طرف اوله رق
 برجای سلامته وضع قدم ایده یلد کتری تقدیرده دارایی اعدام و زمام

حکومتی اله الهرق اسکندرک حقندن کلک اوزره ینلرنده قرار ویردیلر
 ودرعقب دارایی در زنجیر اولهرق بر عربه درونته وضع و اخفا
 ایله ینه منزل مقصودری اولان بلخ جاتنه روان اولدیلر. بو کیفیت
 هر فصله اسکندرک واصل سمع تحقیق اولدوقده برقات دها بحله
 ایدرک نهایت ارقه لرندن یتشدیکندن وکلای مومی الیها دارایی
 قتل و عربه دن اشاخی انداخت ایدرک فرار ایلدیلر. اسکندر اول
 وجهله دارایی لباس حیات مستعاردن عاری اولهرق کوردکده
 نعشنی خفتنایله ستر ایدوب شان ملوک که چسبان تعظیم و احترام
 ایله مذکور پرسه پولیس شهرینه کوندروب اجداد عظامنه مخصوص
 تربه یه دفن ایتدیردی وقاتلری اولان وکلاسنی بالتحریری بریسنی اله
 کچور، رک اعدام ایلدی. دارانک مدت سلطنتی الی سنه اولوب
 میلاددن اوچ یوز و اوتوز سنه مقدم وفات ایتشدی. کیروسدن اشبو
 دارای اخیره کلنجه ایکوز الی سنه و طقوز ماه مرور و اون اوچ
 پادشاه مسند حکمرانی یه قعود ایلش اولوب بونلرک اسملری ومدت
 سلطنتلری بروجه آتی بیان قنور.

اسامی ملوک فرس	مدت سلطنت	ماه
کیروس	۷	
قامیس (کیباد)	۷	۵
اسمردیس مجوس		۷
دارا بن کشتاسب (دارای اول)	۳۶	
برنجی کسرکس (شخسار اول)	۲۱	
اردشیر بن (اردشیر اول)	۴۰	
ایکنجی کسرکس (شخسار ثانی)		۲

سوغدیان

۷

دارای نوئوس (دارای ثانی) ۱۹

اردشیر منیمون (اردشیر ثانی) ۴۶

اوخوس (اردشیر ثالث) ۲۱

ارشپس ۲

دارای قودمان (دارای اخیر) ۶

۹

۲۰۶

(فاردیس)

از خلفای او طه ترجمه باب عالی

(تاریخ حکمای یونان) . (مابعد)

خیلون

مومی الیه الی ایکنجی اولیمیاده یعنی میلاددن بشیوزیتش سنه مقدم خیلی
 مسن اولوب شو حاله نظراً پیتاقوس قدر یاشلو اولسی ظن اولنور
 تاریخ مذکور خلانده لقدمون (۱) شهرنده شهرت بولمشیدی
 زیاده متین الزای وصاحب نزیعت برآمد اولوب دائماً اختیار سکونت
 و حال ادبار و اقبالده یکرنگانه حرکت ایدرایدی . مال و جاهه
 رغبتی اولمیدیغندن خانه سنده اختیار عزت ایدوب سرمایه عمر
 عزیزک ابدادهوا کیدنی اسفسار بعیده ده کچوریلان زماندر

(۱) یونانستان قدیمده بر شهر اولوب مؤخر آخراپ اولمشدر .